

民漂沒不可勝計。官物損失亦累巨萬。伏望差諸司判官幹了有巧思者。令修造件泊。其料物充給播磨。備前兩國正稅。冀也。早降聖朝援手之仁。令脫天民爲魚之歎。凡厥便宜。具載去。延喜元年所獻意見之中。不更重陳。

延喜十四年四月廿八日

從四位上行式部大輔臣三善朝臣清行上封事

〔類聚三代格^{十六}〕太政官符

應掌修作大輪田船瀨事

右得造船瀨使。兵部少丞正六位上菅野朝臣牛足等解備前件船瀨造作略訖。仍申送者。右大臣宣宜廢使者。付屬國司。永預交替。相續令作。若致損壞。拘以解由。其收官私船米。及役水脚等事。隨損多少。勘錄支度。先申後行。

弘仁七年十月廿一日

太政官符

應修造大輪田船瀨石掠并官舍等小破事

右得攝津國解備件石掠。每起風波。頗致破損。其功程廿人以下。須支度申官修造。而申官之後。待報之間。少破之物。彌致大損。望請每年以船瀨庄田稻二百束已下。國司加檢校。永修造。但非常之損。申官修造。謹請官裁者。右大臣宣依請。

仁壽三年十月十一日

〔類聚三代格^{十六}〕太政官符

應令攝津國司檢校大輪田船瀨事

右件船瀨修營既畢。如聞彼地。每有風波。動致損害。少破所漸終成。大破。加以土人愚暗。不識公損。侵盜材木。至令頽壞。不加檢校。何絕煩費。大納言正三位兼行左近衛大將藤原朝臣時平宣。宜下知國司令